

Fin ai 17 di Maj a laran indenant plui di cent events in dute le region e ancje tal Venit in te suage de seconde edizion de Setemane de culture furlane promovude de Societât filologjiche furlane.



Grande vetrine per furlanetât

a Gurize. Sabide ai 16 si rive a Plêf di Cjadovri par fevelâ di 'Percorsi di toponomastica' tra Carnia e Cadore e a Glemone cu la cunvigne 'La memoria di una Comunità nel cuore del Friuli. L'archivio e la biblioteca di Gemona'.

La Setemane, presentade in presince dal vicepresident de Region **Sergio Bolzonello** e dal president dal Consei regionâl **Franco Iacop**, e larâ indenant fin ai 17 di Mai cun plui di cent events in dut il Friûl e fintremai in Venit.

MOSTRIS E MUSEUS VIERTS

La manifestazion si sierarà domenie 17 cu la Fraie de Vierte a Cjarlins e cul concerti in onôr di pre Albin Perosa inte glesie di Madone di Strade a San Denêl.

Cun di plui, tantis mostris e museus vierts di pueste, visitis vuidadis e apontaments di leture pai fruts intes bibliotechis dal Sisteme bibliotecari di Udin e dulintor e in chês dal Sisteme bibliotecari dal Friûl di mieç.

"Chest grant lavôr - al mutive il president **Federico Vicario** - al permet di rinfuarcî la colaborazion cun cetantis associazions e al è poiât dal ministeri dai Bens e ativitâts culturâls, di Expo Padiglione Italia, de Region, di sis provinciis e di cuarante comuns. Fondamentâl al è il jutori des bancjis di Credit Cooperatîf dal Friûl. Il program par intîr al è su www.filologicafriulana.it/scf2015. Si puse ancje discjamâ l'e-book dai store Apple e Android".



ilfriuli@ilfriuli.it

RESTAUR IMPUARTANT Piture a vueli di Tualis, une man de Province

La Provincie di Udin e contribuîs al restaur de piture a vueli su tele "Madone dal sanc di Re" (1688) di proprietât de parochie S. Vicenzo martar di Tualis (Comeglians) conservât tal museu "Gortani" di Tumieç. L'Ent al à dât ae glesie 3.500 euro pes spesis di conservazion de opare. La piture e mostre, intun paveon dal Rinassiment tart, une icone presentade al spetàdôr di doi pups che a tirin in bande une tende. Il stât di conservazion al è comprometût: di fat la opare e à la superficie smuarte. Si viodin cetancj distacaments de pelicule e solevaments e lacerazions evidentis.

La tele di supuart, inclaudade suntun telâr fis centinât in len di conifare che no si pues plui doprâ, no rive plui a mantignî une juste tension pe piture. Lis operazions di restaur a saran soreudut di pulidure de superficie, di consolidament de pelicule pitoriche, di fodrà la tele di supuart, ricostruî il telâr e stucâ e levigâ la vernis protetive.

SCOLTADIS DI DRIUS

Par no straçâ

Le me femine e à tacât a fâ une diete. E pese, al gram, dute le robe. Ce ch'al vanse, par no strassâ, lu mangje dopo.



DAL FRIÛL AL VENIT

In Friûl di soreli a mont, lunis ai 11 cunvigne 'La confraternita dei Battuti a Pordenone e nella Diocesi di Concordia' te biblioteche di Pordenon e miercus ai 13 incuintri su il pensiero autonomista in Pier Paolo Pasolini in cjistiel a Voleson. In Friûl di soreli jevât, vinars 14 cunvigne Archivi a Gorizia, te sale de *Fondazion Carigo*



SMS: 393 00 90700
 diretta@radiofantasy.it
 TEL. +39 0431 30022

la radio tra la gente

UDINE VENETO ORIENTALE	FM 90.700	GORIZIA	FM 89.100
PORDENONE	FM 95.800	TRIESTE	FM 89.100
		PAULARO	FM 107.700
		TOLMEZZO	FM 101.600

www.radiofantasy.it